

解州全志卷之一 平陸縣

沿革

平陸縣本古虞國商代虞芮質成于西伯是也周武王封仲雍後於此仍號曰虞春秋時為晉獻公所滅戰國屬魏

秦為河東郡地

漢為太陽縣地在大河之陽故名

魏晉因之

後魏為河北郡縣仍名太陽

隋為河北縣開皇初廢郡改縣名河北屬河東郡

唐正觀元年屬陝州

唐志陝縣有太陽故關則平陸亦無有唐之陝縣地

解州全志

卷之一 平陸縣 沿革

一

天寶三載大守李齊物開三門以利漕運得古刃有篆文曰平陸因改今名

五代因之

宋為上縣屬陝州大都督府如唐舊

金屬節鎮寶昌軍解州興定四年解州寶昌軍徙治

平陸縣

元至元三年以為城併入平陸貞元初復分置

明隸平陽府解州

國朝因之雍正二年改解州為直隸州縣專屬焉定簡缺

疆域

平陸縣境

在州東南八十里

東西廣二百三十里南北袤七十三里

東至垣曲縣界瓦石灘一百八十里少北至垣曲縣

治二百三十里

西至芮城縣界儀家溝五十里芮城縣治一百里

南至河南陝州界黃河岸三里少東至陝州治五里

北至安邑縣界青石槽八十里少西至安邑縣治一

解州全志

卷之一 平陸縣 疆域

二

百五里

東南至陝州會興頭黃河界二十里至陝州硤石驛

七十里至河南府澠池縣治一百四十里

西南至陝州靈寶縣黃河界四十里靈寶縣治六十

里

東北至夏縣界三橋坡八十里夏縣治一百二十里

西北至解州界橫嶺四十里解州治八十里

自縣至山西省城太原府一千里至

京師二千五百里

形勝

隆山峙其北大河濬其南左翼太行右跨雷首砥柱天
險留神績而永底狂瀾傳岩地靈應星精而實鍾良
弼山水紆折地勢崎嶇前人擬為十景曰中條積翠
曰砥柱奔濤曰傳岩霽雪曰箕山夕照曰閭田春曉
曰虞城烟靄曰金鷄夜月曰吳廟秋風曰茅津晚渡
曰沙澗桃林

鋪遞附

原額設鋪遞十二處

解州全志

卷之一

平陸縣

疆域

三

總鋪

東至盤南鋪十里
南至河南陝州十里

西至渡頭鋪三十里

東北路

盤南鋪

東至白土鋪十里
西至總鋪十里

白土鋪

西至盤南鋪十里
北至八政鋪十里

八政鋪

南至白土鋪十里
北至太寬鋪十里

太寬鋪

南至八政鋪十里
北至幹嶠鋪十里

幹嶠鋪

南至太寬鋪十里
北至張店鋪十里

張店鋪

南至幹嶠鋪十里
北至夏縣三橋鋪十里

西路

坡頭鋪

東至總鋪三十里
西至芮城阿底鋪三十里

以上八鋪俱係孔道又西北路一鋪曰黃華鋪接
州城北路一鋪曰車南鋪接安邑西路四鋪曰西
村鋪赤水鋪平高鋪岳村鋪接芮城俱係小徑

關津

太陽渡在縣南二里 按春秋僖公五年晉獻公假道
於虞八月圍下陽即古巖城在太陽渡北岸十二月
晉滅虢其渡河益由此又漢興平二年獻帝走陝北
渡河步行至太陽止人家屋中遂幸安邑晉懷帝遣

解州全志

卷之一 平陸縣 疆域

四

平北將軍曹武次太陽討劉元海不克石勒率輕騎
二萬會劉粲於太陽大敗晉監軍裴邈於澠池唐志
陝州陝縣有太陽故關一曰陝津正觀十一年造浮
橋金正祐二年宣差都提控從坦言絳解二州村民
皆持鹽布易米今太陽等渡乃不許粟麥過河願罷
其禁從之

茅津渡在縣東二十里先為沙澗渡後更名沙澗茅津
渡 國朝因明舊設巡檢一員稽查鹽引過河 按
春秋文公三年秦師伐晉濟河焚舟取王宮及郊晉

人不出遂自茅津濟封殺尸而還

杜預曰在縣西南有茅亭即茅城水

經注陝城北對茅城故名茅亭茅戎邑也津亦取名焉

又韓信以木罌渡軍襲

安邑虜魏王豹即此

白浪渡在縣東一百八十里黃河岸北自城東上永泉十八盤椅子石三峰寺交口處皆河崖也明洪武四年設巡檢司 國朝順治十三年裁 按宋建炎初武義居大夫翟進守澠池界金人犯白浪隘將渡河進破之又金人長驅渡河澠池人張玘禦之白浪口金人不得渡

解州全志

卷之一

平陸縣 疆域

六

洪陽渡在縣西四十里葛趙村 按邑境沿河二百三十里有四渡惟茅津白浪設官吏有兵餘僅設水手今白浪渡并水手亦裁

解州全志卷之二 平陸縣

山川

中條山在縣北四十五里西起蒲州雷首延袤數百里迤邐而東直接太行其靈岩異巘翠碧丹岑則隨地異名西連解州芮城北通夏縣安邑隸縣境者特東南一隅也

三門山在縣東五十里黃河中水經禹鑿河道三門既決謂之三門史記正義禹鑿此山三道河水故曰三門綱目質實山有三門禹鑿以通南曰鬼門中曰神

解州全志

卷之二

平陸縣 山川

一

門北曰人門故謂之三門集津 趙冬曦三門賦序砥柱山之六峰者皆坐河之中流蓋夏后氏之所開鑿其最北有兩峰相對距岸而立即所謂三門也次於其南有孤峰崛起峰頂平濶禹廟在焉復次其南有三峰東曰金門中曰三堆西曰天柱瀉水從黃老神前東流折而南激於三門包於廟山淙於三峰之下會流東注加以兩岸夾水壁立千仞盤紆激射天下罕比

砥柱峰在三門東迤南黃河中流高數仞若形如柱禹

貢泉至於砥柱即此 孔安國書傳砥柱山河水分
流包山而過石見水中若柱然也又來堆山在砥柱
東唐時歲漕經砥柱多覆河中有山號米堆運舟入
三門僅平陸人爲門匠執標指麾一舟百日乃能上
諺云古無門匠蓋謂皆溺死也又有閼流亦在砥柱
東上激六峰下阻十九灘自砥柱以下五戶以上具
閼一百二十里河水竦石築出勢連襄陸蓋亦禹鑿
以通河其山雖閼尚梗湍流環波怒溢合有一十九
灘水流迅急勢同三峽破害舟船自古所患 按米

堆閼流二山今不可考五戶灘名有神祠通謂之五
戶將軍今亦不知所以也都穆遊砥柱記三門之廣
約二十丈其東百五十步即砥柱崇約三丈周數丈
相傳上有唐太宗碑銘銘禹也宋時猶在今不存蔡氏書傳
以三門爲砥柱州志亦謂砥柱即三門皆誤又隋書
大業七年砥柱山崩壅河逆流數十里今砥柱屹然
中流奚有崩摧而能壅河逆流者蓋距河兩岸皆山
意當時或崩遂以爲砥柱也

金門山在縣東五十里三門之北岸孤巒特出屹立河

千上建神禹廟古柏參天四圍拱翠俯瞰河流奔騰
東下殊駭人心目三門石壁有古刻云南鬼門中夜
叉門北金門金門之名本此

紫金山在三門之東岸下有神仙洞洞口危險深不盈
丈世傳為神仙所棲又禹功岩石壁數仞勢若削成
昔人曾磨崖記禹功禹歲久字跡剝落不可復識而
三門前峙四載疏鑿之功宛然在目又虎嘯谷俯臨
大河怒濤聲吼恍若風生谷中又翠陰岩石壁峭立
緣石藤蘿四垂殊為幽勝又掛鼓石奇峰插天嶙峋

禹狀相傳禹治水時掛鼓於此即磬鼓鳩工之意昔
人有詩曰編欄驚踞虎籌舉類飛鳶

傅巖在縣東二十五里聖人澗上兩山之峽曲岸迴巒
即說版築處有祠 按水經注沙澗水北出虞山東
南逕傅巖登傳說隱室前俗名為聖人窟孔安國傳
說隱於虞號之間即此處也

鳳凰山

名見大郎廟碑記

縣北三十里當中條南麓勢走川原

兩翼隆起分左右而下形如鳳凰故名上建大郎廟
有古柏大十數圍蓋千年物也

吳山縣北五里自中條山連絡南下形跨川原路史殷時有吳伯今陝之平陸有吳山按由縣北鳳凰山右下迤邐十餘里突起一阜俗名神圪塔相傳吳太伯廟舊址在此疑此乃吳山也又劉昭注太陽有吳山上有虞城史記秦昭王伐魏取吳城括地志中條山亦名吳山通典吳山即吳驥垂耳駕鹽車之所金志平陸有吳山黃河日知錄後漢郡國志太陽有吳山上有虞城他書虞城之書為吳城猶吳仲之書為虞仲也

古吳虞二字通用

解州全志

卷之二

平陸縣山川

四

分雲嶺縣西北四十里中條山一峰南眺大河北俯醴池走霧分雲視諸山獨為嵌嵒

橫嶺在縣北四十五里中條山之脊西通解州東達夏縣北至運司路名車輞峪舊行鹽車今徑路險仄車不能行

清涼山在縣東北七十里古虞城北乃條山一脉山頂曠濶四望無際俗謂四州圪塔蓋可以目極蒲解絳陝也

錐子山在縣東九十里孤峰似錐層巒旁列唐志三錐

山當即此上有天池廣丈餘深約數尺

箕山在縣東九十里旋徑危峰其形如箕相傳許由巢父隱此中有許由塚古柏森立皆大數圍下有清澗云巢父洗耳處

晚照臺在縣東八十里錐子山支拔地千尋壁立如削西日迴射紫光掩映不減天台赤城

曉挹山在縣東六十里重巒疊嶂東接錐子山每旭日初升霞暉四映洗耳河發源於此

天井山在縣西北四十里三峰平時中峰獨高俗名筆

架山為縣治來脉之祖其上有天井口濶數尺深不可測牧人以衣衫裹石投下逾時復上亦一異也

石門在縣西北四十里中條山王家井西北十里有黃嶺石門水經注鹽販之澤南面層山天巖雲秀池谷泉深左右壁立間不容軌謂之石門路出其中名之曰徑南通上陽北登鹽澤

黃河縣南三里自河津龍門至蒲州南至於潼關折而東至芮城逾平陸東至於砥柱又東過垣曲下孟津按大河旋繞邑境沿河灘地最宜麥豆一或泛漲

則盡淤矣。比年狐家窩至盤南，鋪水勢北騰，瀕河地裂幾十餘里，然斷岸峻崖，土多沙石，豈當時原自盤陵而下，循東西灣為故道耶？顧邱壠皆圯，民甚患之。三汭澗在縣北三里，發源中條山，東西二瀆分流至五龍廟前，合為一迤，逕繞縣治北郭，東郭外入於河。臨溪國，人引水灌溉，頗饒蔬菓之利。

五股泉在縣北一里許，水寒冽。

古焦水在縣東北五里，細流涓涓，不一里入河。相傳武王封神農後於焦，即此俗名焦子泉。水經注陝縣

解州全志

卷之二 平陸縣 山川

六

故焦國 竹書紀年：幽王七年，虢人滅焦。

盤南澗在縣東十里，發源條山，由石槽溝南下，至盤南東入於河。國朝知縣潘鉞鑿崇岡，引水以灌民田，名曰潘公渠，今闕。

沙澗在縣東二十五里，發源條山東南谷，至沙澗村入河。村民引以灌田，頗資為利。然雨多水漲，沙石俱下，歲事疏濬，費民力云。

聖人澗在縣東北二十五里，發源馬跑泉，下復有二泉合流，嵌石滌洄，逶傳岩南，入於河。孔傳所謂澗水壞

道即此

馬跑泉在縣東北三十里傳說塚下塚倚崇岡東西兩山環拱迴嶽列屏泉殊清瑩相傳形求至此馬跑得之合下石穴二泉至傳岩為聖人澗

清澗在縣東六十里發源曉挹山東折而南經許由塚東南入於河相傳巢父洗耳處一名洗耳河

黑龍潭在縣東一百二十里峪口村有東西二峪從西峪入連峰四起峭壁夾立捫蘿緣崖約行二十里山合如甕而缺其前一水自巔分兩磴而下上瀦為龍

解州全志

卷之二

平陸縣 山川

七

潭下為風潭渟碧蓄黛森陰凜人歲旱禱雨輒著靈異而人跡罕至舊乘遂失載焉潭水出峪口經五臺寺曹家河至南溝入河邑人杜若拙有禱雨記

馬頭澗在縣東北四十五里中條山麓危峰聳立兩谷二源環麓合流以山形肖馬首名

響泉在縣北四十里中條山東水甘澄俗稱響泉溝張谷澗在縣西二十里張峪村

圪塔澗在縣西二十五里圪塔村

葛趙澗在縣西四十里發源中條山深溝夾流經南侯

村至葛趙村村人引以灌田又南流二里入於河
儀家溝在縣西五十里岳村左東為閒田址通典有閒
原即虞芮讓畔處

水利附

三汭澗在縣北三里源出中條二水分流至五龍廟合
遠縣北郭東郭外入河臨溪園人分水引渠頗饒蔬
菓之利

盤南澗在縣東十里由石槽溝南下至盤南村入河康
熙五十年知縣潘鉞鑿崇岡緣崖引水灌東西二灣

解州全志

卷之二

平陸縣 山川

八

民田數頃未幾沙壅崖崩人力難施今廢

沙澗在縣東二十五里源出條山東南谷至沙澗村入
河頗為民利而水激石多沙石歲費疏濬云

葛趙澗在縣西四十里由南侯村迤邐至葛趙村入河
灌田數頃頗稱沃壤

興文渠 萬歷二十三年知縣魏學徵引水入城疏通
文脉自縣署遠學宮之左注於泮池名曰興文渠曹
于汴有記今北門外有魏公渠碑

風俗

輿地志曰河東魏晉以降大抵勤儉禹德所型憂思唐風之遺士大夫質直無險譎百姓朴淳畏法盡力南畝婦女織紉亦勤此河東風俗而平陸可概見矣地處條岡俯臨大河比戶絃誦文風日盛科第仕宦後先相望若箕山之高風峻節傳相之憲天師古虞公之悔過讓田宮奇之抗節抒忠懿踪芳規照耀千古此則平邑人士所當企慕無窮者也

物產

解州全志

卷之二

平陸縣

風俗

九

木棉

平邑上田產棉民間不習商賈廣植木棉以花易銀為正供所出

桃

惟名李漢者大如碗味甘多潘為他邑所無近以供應不給皆去其種

鯉

邑帶長河上下百有餘里鯉為肥美然例防私渡漁舟有禁得之甚難

解州全志卷之三 平陸縣

城池

平陸縣城創自金興定間距古虞城六十里明景泰初知縣李榮增築周二里五十步高二丈有奇厚如之池濬一丈有奇濶如之為門三上各建樓櫓東曰傳說故里南曰虞芮質成北曰太伯至德西無門惟北有重門宏治八年知縣侯尚文另開南城為大成門東去南門數十丈南城遂有二門嘉靖癸丑御史尚維持檄有司塞故南門而往來大道咸由大成乙卯

解州全志

卷之三

平陸縣 城池

一

東城樓毀知縣趙重器葺之癸丑知縣王發蒙新其三門并雉堞外郭門五東曰砥柱南曰通津北曰分雲西南曰讓田東北曰會川則嘉靖甲午知縣李東生所建也嗣是或圯或葺舊志未詳崇正丙子署篆徐嵩修葺視昔增高池久湮為民占以公廨學宮空地易民居復濬池如初邑人李宏又輸金千餘築外郭補壑截崖環繞五里以兵荒未竟厥功 國朝康熙三年丙午知縣李德論建樓於東郭門上凡五楹高兩層額曰龍岡聳秀南北尚缺十七年北城雨圯

四面雉堞俱壞知縣柴應辰修築二十四年知縣馮
遵祖重修四十三年知縣董之燧增設窩舖五十三
年知縣潘鉞增崇東北城二樓並增修東郭門樓改
額曰大觀雍正七年知縣郭一裕重修乾隆二十年
知縣侯維藩因合邑士民樂輸遂詳請徹底築修並
南東北三樓迄今屹然崇墉為一方保障

村堡附

茅津堡在縣東二十里茅津鎮西黃河北岸形險天成
為秦豫咽喉前明邑侍御劉冲所建 國朝設遊擊

解州全志

卷之三

平陸縣 城池

二

衙門駐劄防守

張店堡在縣東六十里即虞城外郭南扼顛軫北控鹽
坂為南北孔道舊時人烟湊集頗稱巨鎮

八政堡

在縣東大路

坊里附

在城三坊

人和坊

德化坊

政成坊

東鄉

商津里

盤南村

高店村

茅津鎮

沙澗村

張淳沱

馬淳沱

寨頭

聖人澗

韓窰

黃堆村

韓澗里

澗東村

棗園

延裏

月村

計村

三門

淹底

過村

望園

解州全志

卷之三

平陸縣

城池

三

清澗溝

徐澤堯

郭家園

曹家川

寺頭村

曹家河

梁宿村

西河頭

史家灘

南溝

關淳沱

上坪

史家坡

斜口

西鄉

人賢里

泉底村

店頭村

沙口村

北村

大澗北

小澗北